

Na osnovu člana 7. stav 2. Zakona o budžetima u Federaciji BiH („Službene novine Federacije BiH“, broj: 102/13, 9/14 - Ispravka, 13/14, 8/15, 91/15, 102/15, 104/16, 5/18, 11/19, 99/19 i 25a/22) i člana 70. stav 1. tačka 2. Statuta Općine Vogošća („Službene novine Kantona Sarajevo“ broj: 27/14 - Prečišćeni tekst, 14/15 i 9/20), Općinsko vijeće Vogošća, na sjednici održanoj 26.04.2022. godine, donijelo je

O D L U K U
O IZMJENAMA I DOPUNAMA ODLUKE O IZVRŠAVANJU BUDŽETA
OPĆINE VOGOŠĆA ZA 2022. GODINU

Član 1.

U Odluci o izvršavanju Budžeta Općine Vogošća za 2022. godinu („Službene novine Kantona Sarajevo“, broj: 1/22), u članu 10. u stavu 2, umjesto tačke na kraju rečenice stavlja se zarez i dodaje tekst: „za period 01.01. - 30.04., a za period 01.05. – 31.12. iznosi 1,0606“.

Član 2.

U članu 13. u stavu 1. iza alineje 4. dodaje se nova alineja 5. koja glasi: „Ostali grantovi pojedincima – povratnici i prihvat državljana BiH po osnovu Sporazuma o readmisiji – realizovaće se u skladu sa Sporazumom o saradnji na provođenju Pod-projekta BiH2 (2013) državnog projekta stambenog zbrinjavanja u okviru Regionalnog stambenog programa između Ministarstva za ljudska prava i izbjeglice BiH, Federalnog ministarstva raseljenih osoba i izbjeglica i Općine Vogošća i Sporazuma o readmisiji između BiH i Evropske zajednice i Protokola o postupanju nadležnih organa u prihvatu, propratu i privremenom zbrinjavanju ranjivih readmisiranih osoba, a uz prijedlog Službe za boračko invalidsku, socijalnu zaštitu i raseljena lica“.

Dosadašnja alineja 5. postaje alineja 6.

U istom članu iza alineje 6. dodaje se nova alineja 7. koja glasi: „Pomoć ugroženom stanovništvu kroz dodjelu higijensko -prehrambenih paketa – realizovat će se na prijedlog Službe Civilne zaštite, a u skladu sa dostavljenim zahtjevima Službe za boračko invalidsku, socijalnu zaštitu i raseljena lica, OO CK i Službe socijalne zaštite Vogošća koji vode evidenciju o licima u stanju socijalne potrebe“.

Dosadašnja alineja 7. postaje alineja 8.

Član 3.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“, a primjenjuje se za fiskalnu 2022. godinu.

Broj:01-02-670/22
Vogošća, 26.04.2022. godine

